

KOMELELE KO :

Alkin an kar uak ko court in an Manit file e Lemnak im Uak E/Ko An ikijen case in ilo July 2, 2025 eo, High Court eo ear bar koroltok jet kakobaba in kajitok ko non an TRC bar koman kakobaba in uak ilo April 2, 2026.

KAKOBABA IN KAJITOK KO NON AN TRC UAAKI:

Kakobaba in kajitok ko litok non Traditional Rights Court eo rej walok einwot in:

- i. Kein kajuon, iar kajitok won ‘ikotaan Hattie *Rusin im Philene Kabua-Jeik im Keyoka P. Kabua P. Kabua* ej/rej maron non kajitok...’ (emoj kobaik italics), Traditional Court eo emaron ke kalikar uak eo an ilo an kile maron eo *Phillip Kabua* ej kabjore, eo emoj an jako, im eo ear moj jolok jen case in alkin an jako ilo January 31, 2024?
- ii. Kein karuo, ilo kile in ke Kajitok 2 ej kajitok elane ‘Bill of Sale eo an Rijuma Abnono Phillip K. Kabua, eo im ejako, eo im rein jikior Buruon Islet, Labiliet Lokobwa im leo nejin, Jeilor Jolet, ro im rebar einwot jako, rar komane, non an maron ko an Irojdedrik, Alap im Senior Dri Jerbal ion Buruon Islet, *ewor ke kitien iumin kakien ko...*’ Traditional Rights Court eo emaron ke kalikar elane uak eo an bwe “Bill of Sale eo...*ejab juon pepa in wia kake eo ejimwe...*’ ej juon uak eo ekkar non kakien ke ak juon uak eo ej berber ion Manit? Elane ej berber ion mantin Majol, inem Manit ta?
- iii. Kein kajilu, ej ikijen melele eo an Traditional Rights Court eo bwe Court in ej loe bwe an motlok 42 iio ko ej juon tore eo aitok, im Hattie Rusin ejab maron kajej tokjen wia kake eo ikotaan Labiliet im Jeilar iben Phillip Kabua...’

(Riabnono Rule 9 Brief ilo 6) melele ko ekkar non kakien ikijen *laches*, *acquiescence*, *equitable estoppels*, ak ilo melele ko an, ak elane aer bobrae Riabnono eo, ej berber ion Mantin Majol im imenene ko im Manit ta kab iminene ta?

UAAK NON KAKOBABA IN KAJITOK EO:

1. Ilo an kar TRC eo dror etan Phillip K. Kabua (Phillip) enwot juon eo maron ej etal none, mekarta emoj an kar jako jen case in alkin an jako jen mouir in ilo January 31, 2024 eo, Court in ej kile bwe mekarta ejako Phillip jen case in, ak enwot juon eo Labiliet im Jeilar rar makitkit iben bwe en marob kar etal im rakiji im karreoki Buruon, inem court in ej kile bwe ear wor juon maron ear makitkit kake ion Buruon ilo an ejelok kelaburbur jen ro aer Buruon, Labiliet im Jeilar. Ilo tore in ke emoj an jako jemeor, inem maron eo/ko Labiliet im Jeilar rar komaron Phillip rej etal kio non ledrik rein nejin im rej bar einwot ber ilo case in, Philine Kabua-Jeik im Keyoka P. Kabua. Jemaron bareinwot ba bwe ekkar non mantin Majol, elane ear jab jemeor (Phillip) im makitkit kin Buruon, inem, maron kein lilok jen rein aer Buruon, reban kar etal non rein nejin (Philine Kabua-Jeik im Keyoka P. Kabua rainin.
2. Ilo uak eo an ikijen Bill of Sale eo, TRC eo ear uak ke Bill of Sale eo, 'ejab juon eo watok ejejot ak ekajur non karokan juon pepa in wia kake'. Melelein bwe TRC ear kile alkin an linuri Bill of Sale eo ewor likjab in melele ak jeje ko im ekoman bwe TRC eo en jab watoke ekajur non berber ion. Ijo wot TRC ear etal wot im lelok elab paun non melele ko ikijen an kar Phillip kar jino etal non Buruon im koman jermal in

3. karreo im raro ko an im tok elik ear koman jermal in ekkal ko, ko im ear ejelok kolaburbur jen Labiliet im Jeilar ilo aero kar jimor mour wot, im tok alik ilo an kar Hatty jab koman an kabwijrak alkin an Labiliet im Jeilar Jako. Alikata Court in ear kile bwe ilo an kar Phillip karreo im rakij buruon ilo an Labiliet im Jeilar jab koman abnono nae, ej kalikar non court in ke ear jermal 'Mantin Iroj', eo im elane emoj an juon Iroj karreoki im rakij juon jikin inem naj watoke bwe ej jikin.

4. Ikijen kajitok eo kein kajilu ikijen an kar TRC kile bwe Hatty ejab maron kajej tokjen kwon eo komane ikotaan Labiliet im Jeilar iben Phillip, im ilo an watok juon tore eo aitok non an kar koman an abnono, Court in ear berber wot ion Mantin Majol eo im ejba, *Jab Komakut Drekain Jenme Eo*. Court in ej kile bwe ro lak imaan in Hatty, ak aer Buruon Islet, Labilliet im Jeilar, rar jab bobrae an Phillip makitkit im amnak ion Buruon ilo eloh tore ko kin tomak in ke emoj aero lelok maron eo/ko non Phillip. Inem ilo an Hatty kajij tokjen Bill of Sale eo ak jabdrewot kwon ko emoj kar komani ilo tore ko an Labilliet, Jeilar im Phillip, inem juon in wawen jemaron ba bwe *ekomakut drekain jenme eo. Thomas v. Samson v. Alik, 3MILR 71, Jorbon v. Michael and Laelang, CA2023.01720.*


Raan April 2, 2024



Grace L. Leban
Presiding Judge, TRC



Nixon David
Associate Judge, TRC



Claire T. Loeak
Associate Judge, TRC